


七世340.241
126
部=2
104345

欽州志

第貳
卷之一
輿地志



輿地志

又

沿革

山川 附脈絡八景

關隘

分野

潮汐

氣候

占驗

鄉都

諸崗

墟市

井泉

風俗

水利

物產

疆域

欽州志

卷一

輿地

一

欽州地方六百二十五里東西廣三百六十里府志

通志作三百三十里南北袤二百六十五里府志郝通志作一百八十五里

在府西少北一百八十里通志

東至靈山縣界平銀渡博峩鄉丹竹江四十五里

府志通志作三十里

西至廣西上思州界那米那洗等處二百五十里

府志通志作三百二十里大清一統志作至交趾夷界三百里

南至龍門海岸七十里府志作南至大海大清一統志

北至廣西永淳縣林岐村界二百里府志作北至靈山

縣雷公巖界一百三十五里

東南至合浦縣西礮臺一百一十里府志作九十里通志



西南至安南萬寧州潭鱗河三岐江菴溪古

及廣西太平府界四百里府志大清作至交趾界二百

里

東北至靈山縣平吉分界七十二里府志通志作一百里

西北至廣西宣化縣界那曉那桑那陳二百八十

里府志通志作至上思州界二百里

州至府城二百三十里府志

唐

寧越郡欽州東至樂安郡四百里南至大海二百

五十里西至臨潭郡九百三十里北至寧浦郡三

百五十里東南到合浦郡七百里西南到玉山郡

欽州志

卷一

輿地

二

六百里西北到朗寧郡三百五十里東北到懷澤

郡四百六十里去西京五千三百里去東京四千

三百里通典

欽州至京師五千二百五十一里東至嚴州四百

里南至大海二百五十里西至瀼州六百三十里

北至橫州三百五十里東南至廣州七百里西南

至陵州六百里西北至容州三百五十里東北至

貴州四百里舊唐書地理志

宋

欽州境北至東京五千四百里北至西京五千八

十里四至八到北至長安取橫貴與州路六

千六百六十里東至廣州三百三十里西至瀼州
五百八十里南至大海一百三十里北至橫州三
百一十里東北至橫州同上西南至陸州七百四
十里東南至廉州七百里東北至貴州四百六十
里

太平寰宇記

欽州地至東京七千三十里東至本州界一百八
十里自界首至廉州二十八里西至本州界一百
三十二里自界首至邕州六十八里南至海一十
里北至本州界二百二十五里自界首至橫州二
十五里東南至本州界二百里自界首至廉州二
十五里西南至羈縻永安州二十里東北至本州

欽州志

卷一

輿地

三

界一百里自界首至廉州四十五里西北至本州

界一作浙本一百里自界首至邕州八十五里元豐九

明

廉州府東距布政司千二百十里欽州東距府百

四十里

明史地理志

欽州在府西百四十里南至海岸二百五十里府志

作約百里北至廣西南寧府三百五十里西至安南界

三百六十里

方輿紀要

欽州瀕海而治望火辰其北望州峙其東天擊踞
其西文峯屏其前兩旁之山東西合抱結爲龍門
雞籠鳳凰廻環東峙鎖鑰襟喉城下長江橫繞上

流則鴻亭點翠中流則三石吐奇下流則鼇洲砥柱欽江漁洪二水交流左右會於貓尾由龍門以入海王光十萬大山橫跨西南古森河界分中外此一州之勝也舊志府志參輯

沿革

大清一統志欽州禹貢荊州南境秦為象郡地漢為合

浦郡合浦縣地劉宋分置宋壽郡屬越州宋書越州刺史

明帝泰始七年立宋壽郡齊建元二年割屬交州

太守先屬交州後屬越州齊書宋壽郡建元二年割越州屬交州封山郡安金或作安京屬越州梁武帝於

郡置安州隋五代志安州寧越郡梁置安州宋壽郡欽江舊置宋壽郡安京郡安京

舊置郡黃州海安梁置曰安平直黃州隋開皇中平陳郡廢十八年

欽州志

卷一

輿地

改州曰欽州治欽江縣大業初改州為寧越郡隋書

寧越郡梁置安州開皇十八年改曰欽州統縣六欽江安京內亭南賓遵化海安

元和郡縣志宋分合浦置宋壽郡梁武帝於今欽江縣南三里置安州開皇十八年改安州為欽州

取欽江為名也大業三年改為寧越郡陸州玉山漢交趾郡地梁大同元年於郡分置黃州開皇

十八年改為陸州以在唐武德四年復置欽州兼海南有陸路通海故名

置總管府貞觀元年府罷天寶初復曰寧越郡乾

元初復曰欽州屬嶺南道邕管唐書隋寧越郡武德四年平蕭銑改

為欽州總管府仍為都督府貞觀元年罷都督府天寶元年改為寧越郡乾元元年復為欽州縣五

督府欽江保京內亭遵化靈山屬邕州都陸州玉山郡武德五年以寧越郡之安海

玉山置玉山州貞觀二年州廢縣隸欽州上元二年復置縣三烏雷華清寧海屬安南都護

府五代屬南漢十國春秋南漢有欽州領縣五宋開寶五年省欽

江移州治靈山縣南宋復移州治安遠屬廣南西

路宋史欽州寧越郡軍事開寶五年廢遵化欽江

內亭三縣天聖元年徙州治南賓峇縣二靈

山安遠真以寧越鬱林之地降於李靖以長真為欽州總

管領欽江安京南賓遵化內亭海安六縣又置如

何縣又置玉州南亭州析海安為海平二縣屬玉

州太宗時罷府又廢玉州以海安海平二縣來屬

又廢南亭州以內亭遵化二縣來屬改為寧越郡

復為欽州兼充本州鎮遏使國朝屬廣南西道更

保安曰安遠初治欽江後治靈山領縣二治安遠

元至元十五年置欽州安撫司十六年改總管府

屬海北海南道元史欽州路至元十五年置安撫

道宣慰司屬湖廣明洪武二年曰欽州府七年降

等處行中書省為州以州治安遠縣省入九

七年十一月降為縣來屬十四年五月復為州

本朝因之

欽州三代以前為百粵地在禹貢之外未入職方

秦為合浦郡地隸象郡漢吳晉俱因之屬交州宋

分為宋壽宋廣安京三郡梁天監四年置安州隸

桂州總管府隋開皇十八年改安州為欽州大業

三年改欽州為寧越郡統縣六欽江安京內亭唐

武德五年改寧越郡為欽州總管府隸桂州統縣

四安京南賓七年改總管府為都督府貞觀十二

年罷之調露元年以都督府所屬之地隸容州神

南西路欽之版籍始歸有司開寶五年廢遵化欽江內亭三縣以其地入靈山縣元至元十五年改爲欽州路置安撫司十七年改爲總管府屬海北南道領縣二安遠靈山明洪武三年改欽州路爲府領縣如舊隸廣東布政司九年改府爲縣屬廉州總隸雷州府十四年改欽縣爲州廢安遠止領靈山一縣總隸廉州府

國朝因之舊志

山川

白水岡在州北八里高約十丈脈發馬腸岡

望火嶺在州北十五里舊志作十里高約五十丈陟巔

欽州志

卷

輿地

六

望見州城烟火故名

馬腸岡在州北十五里高二十丈有奇欽營有汎在此

石忽嶺在州北二十里脈自小風門嶺

小風門嶺在州北三十里脈自紗帽嶺欽營有汎在此

紗帽嶺在州北三十五里脈自大風門嶺

大風門嶺在州北四十五里脈自橫網岡欽營有汎在此

橫網岡在州北五十里脈自九牛嶺山脈四布如網

九牛嶺在州北六十里高約三百丈脈自天堂嶺陟

巔可望海故亦名望海嶺其實祖龍另有望海嶺
天堂嶺州北八十里脈自望海嶺

望海嶺州北九十里高五百丈有奇脈自霧蓋頂
霧蓋頂亦名武谿頂在州北百三十里脈自了髻
山高六百丈有奇圍百餘里中有大坪可闢田二
三十畝為一州龍脈祖嶺

銅魚山州北一百五十里舊志作八十里脈發靈山縣管

根山高四十餘丈世傳山下有巨石陂隄下鑄銅

魚為水竇因名又名古竇山上有井石室昔姜德

文讀書於此故址猶存鄉賢馮敏昌詩凄冷氣象
幾百年姜子書堂竟誰識

鯨屯山州東北四十里已上舊志

欽州志

卷一

輿地

石出頭州東北五十里脈自高峯平地突起高數

十丈新
增

釣鞋山州東北七十里高十餘丈脈發雁廬山大

路經其麓

雁廬山州東北八十里高三十餘丈

那懷山州東北六十里脈發茶山

雙角嶺州東六里許脈發大墓山兩峯對峙如角

蟒眼岡州東二十五里上田寮陳屋崗口脈自大

墓山

望州嶺州東十五里舊志作一十里脈發大墓山高二十

餘丈陟巔可望州城欽營塘汎在此

分界嶺州東三十里欽營壩汎在焉

大墓嶺州東四十里舊志作三十里脈自靈山林治山唐

諫議大夫寧原悌葬此因名

十二嶺州東南十餘里高百餘丈廣東輿圖脈自大墓

山鹽場路經此大清一統志

橫山有二一在州東南二十里山形延袤橫擁州

治脈發大墓山一在州西南五十里脈發烟通嶺

南臨猫尾海

茶山州東南八里明嘉靖間設墩臺於此今廢

風門嶺有二一在州東南二十里一在城北三十

里已上舊志參訂

欽州志 卷一 輿地 八

鳳凰山州東南五十里高約百丈脈自大墓山

那周山州東南四十里

那鹿山州東南四十里

雞籠山州東南六十里脈自鳳凰山

牙山州東南一百里龍門外海之東距龍門六十

里海中峙起三峯形如排牙廣東輿圖明萬厯間交趾

賊嘗設營於此以瞰內地今置礮臺營房舊志距牙

山二十里名金鼓嘴迤東為烏雷港迤西為馬鞍

山皆海外扼吭之地大清一統志

烏雷嶺州東南一百一十里脈發大墓山迤邐南

馳為烏雷亘出大海獨高羣山東望合浦冠豸嶺

西望交趾海東府在渺茫間馬伏波之廟在焉人

安南之要道也唐烏雷縣以此名方輿紀要舊志參訂

猪頭嶺州南八里形如猪頭在雷祖廟前新

文筆山州南七里又名尖山高四十餘丈當州江

口為州治關鎖舊志一名鎮安峯山巒峭拔狀如文

筆一統志大清

三山州南七里毗連文筆峯宋知州陶弼建亭於

其下今地舊志

獅子頭州南七里與文筆峯兩岸對峙鎖州江水

口高約十丈形如獅頭脈發銅鼓嶺

寶塔嶺與獅子嶺毗連舊建塔於此基址猶存

欽州志 卷一 輿地 九

銅鼓嶺有二均在州南八九里形如銅鼓高約七

八丈

亞公山州南六十里毗連龍島

三亭嶺州西南三十里高百丈脈發馬鞍嶺

烟通嶺州西南四十里高約五十丈 國初會築

烟通於上已上新增

潭山州西南四十里發脈西丫嶺

霞良山州西南四十里已上舊志

鳳凰關山州西南六十里發脈霞良山前明設營

砦於此

開元山州西南六十里與鳳凰關山兩岸對峙鎖

西江水口

白鳩嶺州西南六十五里高百丈有奇發脈石鶴嶺

黃囊嶺一名西丫嶺在州西南六十里高百餘丈嶺有大石面平坦中有窩如瓦盆大注清水冬夏不竭窩旁有大人足跡下有欽管汎

派暮嶺州西南八十里發脈西丫嶺欽管有汎在此

料連嶺州西南九十里高百丈周十餘里清泉湧流灌田者利之

天臺山州西南八十里脈自王京山

欽州志

卷一

輿地

十

王京山州西南八十里脈發貓王嶺

石船嶺州西南百里高約五十丈巔有石如船脈自八角山

獅子山州西南九十里高約百丈脈發八角山

八角山州西南百三十里高百丈有奇爲一方龍祖

天塔山州西南百三十里如昔都高約二十丈巔有石相塔風吹似動而終不傾

壘樓嶺州西一百二十里高三百丈有奇脈發王光山大直去那添路經其麓

鹿豹嶺州西南百五十里高約五十丈脈發王光

山距廣西上思州那美墟七十里乃東西省交界
峯巒錯出林茂澤深離汎寫遠為盜賊出沒之地
已上
新增

王光山州西南百五十里舊志作一百二十里高
通志作一百七十里高
數百丈綿亘數十里連十萬大山隘口有六惟叫

奇隘舊志作
弔葵隘最險山西北通廣西上思州那洗等
村龍門營有汎在此

十萬大山州西南百六十里貼浪都脈自廣西上
思州樾羊嶺峯巒重疊高峻挿天起伏蜿蜒有四

百餘峯南奔安南起黃峯山復入州界起高登山
北上宣化界起棗尖嶺迢遞東北行起茶山分枝

欽州志

卷一

輿地

十一

關脈一奔靈山逾鬱林一發霧蓋天堂諸山趨州
城其山接連王光包裹三不要地西北屬廣西上
思州險隘最多詳邊隘者有八

蕾周山州西南百六十里貼浪崗周廣約六十里
墨抹山州西南百五十里時羅崗高約四百丈有

奇發脈亞王山四時雲氣濛罩如墨輿地紀勝安
遠縣西八十里有青雲山疑卽此已上舊
志參詳

太平山州西南百六十里貼浪都高約五百丈綿
亘百里西屬廣西上思州崇谷邃盜多藏焉山

上有田數十畝人無敢耕者

三臺山州西南百七十里高等太平山三峯排列

陟其巔郡城厯厯在目山畔有潭廣數丈深莫測
旁有釣魚臺石室丹竈相傳昔有仙煉丹於此

望海嶂州西南百八十里貼浪都高近千丈陟巔

可觀海發脈三臺山金疆隘居其左畔紀增上

刀鞘嶺州西南九十里時羅都平地突起高峯上

生二石笋形如刀鞘舊志

銀嶺嶺又名上人嶺在州西南百一十里高三百

丈有奇畔有石穴名萬字巖發脈沉香山

沉香山州西南百五十里如昔都高約三百丈發

脈十萬大山為西南一方祖嶺

巢竇嶺州西南百三十里如昔都高約三百丈石

欽州志 卷一 輿地 十一

峯聳峭如筆亦一方奇特秀峯也發脈墨抹山

那黃嶺州西南百六十里如昔都高百丈有奇旁

有隘通百里村又有土濬深廣丈餘毗連墨抹山

百里山州西南百七十里高與那黃山等有隘通

金疆坡茶山麓即百里村已上新增上

招遠山州西南百六十里時羅都山下有石灘舊

名灘嶺通志作灘零明御史朱鑑陟其巔招降叛民黃

金廣因改今名舊志

石鶴嶺州西南九十里高約百丈頂有石如鶴故

名

奇麗山亦名礮臺山在州西南百一十里大田村

高數十丈脈發自塌崙山

塌崙山州西南百二十里發脈蜈蚣嶺龍營有汛
在此

蜈蚣嶺州西南百四十里近防城墟高約五十丈
脈自望海嶂蜿蜒而來三坡嶺龍門島塌崙諸山
皆其分枝

三坡嶺州西南百四十里為龍島祖山

馬鞍嶺州西南百六十里發脈那米山

那米山州西南百七十里發脈那圍山

那圍山州西南二百里貼浪都發脈望海嶂已上新增

弄茄山在貼浪崗距州百六十里通十萬大山

欽州志

卷一

輿地

高黎山州西南一百四十里發脈十萬大山

那畧山州西南一百四十里

菜芋山州西南一百五十里

稔測山州西一百五十里

四枝山州西南一百九十里時羅崗高約五百丈

周廣約五十里綿亘通安南界有瑤人墾種於此

已上舊志

金頂山州西南二百二十里滑石墟東高二百丈

有奇旁有隘隘外為夷地發脈望海嶂

探天山俗呼吞天山在州西南二百八十里如昔

都那梭墟東二十里高約百丈山有隘隘外即夷

地已上
新增

那象山在如昔都距州西南二百六十里周約四十里舊志已上山均發脈自那飄山

那飄山州西南二百六十里高約千丈如昔巡檢舊署在其麓基址猶存發脈大勒山

大勒山州西南二百八十里高約六七百丈峯巒錯落巨石層峻上有險隘山子墾種於此已上新增

埆望嶺在如昔崗距州西南二百八十里舊志作二百六十里高等大勒山有巢淋隘鄉民設卡於此以防寇盜

灘霞山在如昔崗距州西南二百六十里與貼浪

欽州志

卷一

輿地

古

崗毗連周廣約四十里已上舊志

礮臺嶺州西南二百七十里如昔崗高約三十丈明時鬼子建礮臺於此

北瀝冲貢觀音三山毗連在州西南二百八十里如昔思勒二崗間高均逾百丈發脈探天嶺

九曲嶺有二一在州西南八十里開元那狼間一在三百里思勒崗

棋盤山州西南三百二十里思勒崗州判署右高逾百丈西南屬安南山多木石中有石棋盤棋子樵人往往見之然有心往覓輒不復見亦奇跡也

已上新增

羅浮山有二一在州東北九十里脈自銅魚山遠接廣西宣化胡公山諸峯錯落甯純以其形如循州羅浮因名本元和志隋置安京縣於此卽安京山輿地紀勝唐高駢爲安南節度使道經欽州建有別墅今圯一在州西南三百七十里羅浮崗東興守備署左高約百丈山下有溪可通舟楫舊志參訂天茶山州西南四百里高約五百丈界古森澌凜二崗間有隘極險峻

大勉山州西南三百里界貼浪澌凜二崗間高約五百丈山多木石山子獠人種植其上有流泉秋冬不涸已上新增

欽州志

卷一

輿地

策割嶺在河洲崗距州西南三百三十里周約八十里俗呼爲七星嶺

勒捨嶺在河洲崗距州西南三百三十里已上舊志

教良山州西南二百六十里高約四百丈山有隘通大棗那勒二墟腰有流泉下有小溪源自稔檳大免諸山麓可通舟筏

翁官山州西南二百五十里大棗墟旁高約百丈山有流泉村民引以灌田

稔檳山州西南三百八十里貼浪崗高約四百丈山畔有塘廣約三畝生龍鬚草村民采以織席甚佳山腰流泉可資灌溉

珂澗山州西南三百八十里貼浪崗高近千丈石
峯峻峭發脈高登山

火焰白石牙二山毗連跨古森澌澌貼浪三崗高
均千丈竦鎮邊界山石嶙峋參差如排牙如火焰
山有石穴有瀑布流泉畔生龍鬚草山背西北屬
上思州南屬太平府有隘相連險峻異常距州四
百餘里

鑿字山州西南四百餘里澌澌崗高約五百丈石
峯峻峭峯上有字數行今惟造成二字依稀可辨
餘悉模糊

大王山州西南四百餘里發脈高登山山極高大

欽州志

卷一

輿地

夫

盤踞數十里相傳明時有山寇李呂周國周兄弟
據此作巢穴馬道寨基猶存

馬鬃山州西南四百八十里澌澌崗高千丈峻峭

嶠巖山脊如馬鬃陟岡不敢下視已上新增

高登山舊志作枯燈山州西南四百八十里古森崗詳邊隘

不吳嶺在河洲崗距州西南四百二十里通羅浮

澌澌諸崗周約五六十里

埔軻嶺在河洲崗距州西南四百一十里周約四

十里溪水通羅浮

棗雷嶺在河洲崗距州西南四百一十里通羅浮

崗周約四十里山下溪水可通竹筏

水尾山在如昔崑距州西南二百六十里

那懷榮山州西南一百四十里高五百丈有奇脈

自王光山

分茅嶺州西南三百六十里昔森崗與交阯分界

山頂茅草南北異向昔傳馬援平交阯於嶺下立

銅柱以表漢界舊志崇禎九年張國經訪銅柱遠近

得貼浪老叟黃朝會云萬歷間曾至其地見茅果

分垂兩邊嶺去銅柱尚遠其道里所經則自貼浪

扶隆至板蒙一日至那蒙那來一日至觀狼動羅

一日至江那一日至北攬一日至北癸一日至新

安一日至八尺石橋再行八日方見此嶺郝通志

欽州志

卷一

輿地

高嶺州西八里高數丈脈發馬鞍嶺

老虎山州西二十里高約二十丈發脈火南山

埇口嶺州西三十五里發脈百浪山欽營有汎在

此

漁洪岡州西三十五里高約二十丈明時曾設砦

於此海東太守石孟全之墓在焉

沙白嶺州西四十里發脈天擊山已上新增

天擊山州西六十里發脈瀑布嶺高四百餘丈亦

名社龍山山巔石相傳為雷所擊故名州鄉賢馮

敏昌以形似海螺故又名海螺峯舊志參訂

瀑布嶺州西七十里高三百丈有奇上有清泉湧

流灌田甚普

南屏山州西九十里崔魏聳峙橫廣如屏亦名火通嶺發脈天馬山

芋頭嶺州西六十里通志芋誤高約三百丈有奇欽營有汎在此

貓王嶺州西八十里高約三百丈發脈龍王嶺

龍王嶺州西百里高數百丈發脈上思州那疊山

衆龍嶺州西百二十里發脈廣西東尖嶺北屬上

思州南屬本州俱以嶺脊分界

天馬山州西一百里高二百餘丈脈自衆龍嶺

照壁嶺州西北十二里高約三十丈脈自火南山

欽州志

卷一

輿地

末

迎暉山州西北十五里高數丈脈自火南山

馬鞍嶺州西北十五里脈自百浪山

火南山州西北二十里脈自百浪山週數十里山

谷深邃宵小多匿於此已上新增

百浪山州西北三十里通志作二十里高二十餘丈自峯

火嶺綿延十里至此形如浪起林深菁密樵採資

焉舊志

大諫山州西北五十里

岐陵山州西北百里脈自亞王山爲宣化靈山欽

州三州縣交界處

六琴山州西北九十里

華蓋嶺州西北百里大寺司屬

望海嶺州西北百十里脈自三寨山高約三百丈

鄉賢馮敏昌墓在其麓

大羅嶺州西北百二十里

那葛山州西北百十里

殿皇山州西北百十里

層文嶺州西北百三十里高二百丈有奇與宣化

交界

較霞山州西北百四十里

望苗嶺州西北百二十里

殷堤嶺州西北百三十里王仙灣側

欽州志

卷一

輿地

九

鳳凰山州西北二百四十里為那陳司署朝山

白鶴嶺州西北二百四十里那陳司屬

獅子嶺州西北二百四十里那陳司屬脈自花甲

山

黃坡嶺州西北一百五十里永定鄉自龍王廟發

脈土色多黃已上新增

鐘石在城外天妃廟前江中宋知州陶瀚嘗釣於

其上又有碑石在東門外江中有石窟為弼吟詩

處又有醉石在振民坊江中弼每酌酒於其上

大清一統志 欽州有天涯亭廉州有海角亭二郡並南

轅窮途也昔余襄公守欽為直鈞軒於亭之東偏

卽江濱之三石命曰釣石醉石卧石嶺外代答

鴻飛洲舊名飛魚洲在東門外居欽江上流古木

青翠有三寶崇寧寺止善庵水月閣又有鴻飛亭

其側有石壩知州林希元塞環繞州城李五美重

修有築鴻飛壩記舊志

鰲魚洲在南屯明學正陳俊欲建文昌閣於此以

鎖風水舊志

海在州南一百餘里自此涉海至西南岸卽交阯

朝陽鎮州西南有水口六處曰潭家黃漂藏涌西

陽大亭小亭並皆入海之路入海之水道有南港

在州南六十里牙山港在州東南七十里大觀港

欽州志 卷一 輿地 三

一名大洗港在州東南九十里其東爲蓬羅港又

貼浪港在州西南二百四十里接交阯界大清一統志

五湖在州城外有東湖西湖南湖北湖中湖並嘉

祐八年置輿地紀勝卽今四面城濠宋守陶弼建五湖

亭於此郝通志東江源出靈山縣古豆山南流合大

寺涌淪鳳凰三江又南合欽江出龍門入海上有

五湖亭宋建大清一統志

欽江在東門外發源於靈山縣洪崖羅陽二山合

舊州水車二江水自東北來遶州治南流十里合

茶山江石江水向南流三十里達猫尾海會西江

漁洪鳳凰諸江水出龍門入大洋附城江中有鴻
飛洲吟石釣石醉石鰲魚洲

橫江亦名孟埭江在州南五里合東西二江水出
小江石灘江達於海

小江在州南七里源有二一自高嶺歷彭屋太平
江一自火南山經照壁嶺獅子灣沙江高橋遶城
西向南流合橫江出石灘達於海

石灘亦名石纍漕在州南十里水底有石欄潮落
重船莫能過乾隆三十七年攝州康基田謂此江
水洩從右脇小江石灘出不過堂出口州人之所
以不大富而永久者以此議築堤堵塞隨陞廉守

欽州志

卷一

輿地

三

去任不果行後嘉慶八年陞任廣東藩司州人詣
省垣進謁猶諄諄致囑急塞云已上舊志參訂

沙江在州西六里發源自火南山流經獅子灣遶
城西出小江達於海

太平江在州西七里發源自高嶺歷彭屋溝至小
江會沙江水出石灘達於海

茶山江在州東南十里源出柴排山西流至三汶
坪合州江達於海

石江在州東南二十里源出山岐西流十餘里入
州江達猫尾海已上新增

猫尾海在州南三十里深不可測廣約二十里有

奇海潮起落處納州東西諸江水滙為巨浸出龍門入大洋

龍門江在州南六十里欽州之山自北東行轉西南經佛子向鳳凰至黃坡門為龍門東岸又西自望海嶺東行至亞公山為龍門西岸兩山峽峙若門中有石如砥柱欽江漁洪鳳凰諸江水同注於貓尾海出龍門入大洋為龍門江龍門之東經牙山達烏雷為合浦界龍門之西經三口浪達洲整為交趾界龍門七十二徑以羣山錯落海中七十有二其水道隨山而轉彼此相通故徑亦七十有二

欽州志

卷一

輿地

三

國初為海賊鄧耀楊彥迪相繼踞為巢穴大為高雷廉沿海患康熙二十三年設龍門協水師鎮此實全粵西路咽喉不僅為一州門戶也

已上舊志參訂

丹竹江在州東三十里源出靈山之楊梅洲南流

合平銀江

大清一統志

漁洪江在州西三十里迎小董那蒙板征大寺諸江南流十里至長整河合鳳凰江達金雞塘注於

貓尾海出龍門

舊志參訂

那蒙江在州北八十里發源宣化岐陵山合小董大寺二江水入漁洪江

小董江在州北一百里源出靈山管根山南流合

那蒙大寺江經牛皮灘入漁洪江

大寺江在州西九十里源有二一自巢尖嶺一自

挹羊嶺東南流經大寺墟故名大寺江合團良小

董江水入漁洪江紀上
新增

團良江在州西北八十里源出廣西上思州挹羊

嶺合大寺江出漁洪江

鳳凰江在州西南五十里迎大直那狼埔飄開元

諸江出長整河合漁洪江入猫尾海上有鳳凰洲

已上
舊志

大蜺江在州西南五十里發源巢囊山出開元灣

合大直那狼諸水入鳳凰江

欽州志

卷一

輿地

開元江在州西南六十里源出黃京石鶴山至開

元灣會大直那狼諸江入鳳凰江

大直江在城西百里源出王光山北流歷王將灣

合鹿豹那天諸江抵那庄轉南流經平亮埔文下

大直南流三十里達於八角灣會埔飄那狼二江

東流十里合開元大蜺江同入鳳凰江

埔飄江在州西南百里源出那黃山東達那灣合

那狼江至八角灣會大直江入鳳凰江紀上
新增

那狼江在州西南百里外貼浪崗故又名貼浪江

源有二一自大平山出紅水河王將灣一自金疆

隘出那九那廟至平望合流至刀鞘合埔飄江達

八角灣又合大直江入鳳凰江

塌崙江一名西江在州西南一百二十里

通志作五十里

源出三波山東流至鬪水均出龍門入於海

已上舊志

防城江在州西南一百四十里源有二一自那勤

大山經大棗那崗三囊達滑石一自那碧山經滾

水江至滑石會出防城鯉魚江入三口浪大洋

河洪河州西南二百里源出那飄大山經那梭黃

水思勒崗出安南江坪入大海

已上新增

羅浮江在州西南三百六十里

通志作源出羅浮四十里

山西流達竹山入於海

輿地紀勝參訂

那良江在州西南三百六十里源出大勉山經大

欽州志

卷一

輿地

清灣達那良墟會古森河由東興菴街華夷分界之

古森河在州西南四百里源出十萬大山南流二

百餘里東轉古森河洲二崗西歷安南萬寧州出

東興菴街入於海

三岐江在州西南四百里東興菴街華夷分界之

所

潭鱗河又名潭洪在州西南三百四十里思勒崗

北瀝江坪華夷分界之所即河洪河水口

龍潭在州東北十五里大江中其深莫測相傳有

龍居此歲旱搗藥洗潭祈雨輒應

已上舊志

二等灣距龍潭五里灣口有巨石舟行者慎之

瀑布灣在州西十里瀑自石頂瀉落下成深灣灌田百畝歲旱鄉人祈於灣旁以石投之雨立至輿地勝紀

開元灣在州西南六十里鳳凰江上流深險莫測八角灣在州西七十里開元上流深數丈廣十畝中有石如傘如龜

王將灣在州西如昔都王光汎旁深二十餘丈多石水色湛然

王品灣在州西南一百三十里如昔都那狼江上流深險異常已上新增

淡水灣在龍島東七十里南通大海島雷嶺旁有

欽州志 卷一 輿地

石穴淡水出焉海舶往來常取汲於此舊志參訂

三娘灣在州南一百三十里龍門外左有石室可容十餘人

大清灣在州西南三百七十里那良江上流深約二十丈有大石如龜昂首昔有妖魚作祟被雷擊去

鍋蓋灘在州西漁洪江上流巨石激流舟行最險牛皮灘在鍋蓋灘上流十里中多怪石行舟易觸

鶴鷄尾在州南三十里猫尾海中已上舊志

白鱗尾在龍門西大海中往交趾海道經此通志

三口浪在大海中常連珠起浪三口聲響如雷俗

傳舊有九口馬伏波射去其六康熙二十三年開
龍門營設汛防守

黃坡門距州城六十里在龍門內貓尾東亞公山
旁水深浪急至為險要已上新增

州城北十五里為望火嶺又北十五里為橫網岡

脈發自九牛嶺又北六十里為九牛嶺亦名望海以陟巔見海故名上尚有

望海嶺脈發自天堂嶺北八十里為天堂嶺脈發望海

北九十里為望海嶺脈發自霧蓋嶺北一百三十里為霧

蓋頂亦名武谿頂脈發自丫髻山高六北一百五

十里為銅魚山舊志作八十里在新立鄉旁有羅

浮山本安京山俗呼麓撒隋置安京縣於此脈發自銅魚山毗連廣西宣化縣胡公山山峯峭

欽州志

卷一

輿地

美

拔類惠州羅浮故甯純州東北五十里為石出頭

山六十里為那懷山七十里為釣鞋山在新立鄉山形延長

脈發自州正東八里為雙角嶺在城東廂脈發自望州嶺東十

五里為望州嶺在城東廂脈發自大東四十里為

大墓山其山高脈發自州東南十里為茶山二

十里為橫山在城東廂脈發自十二嶺其山延長

三十里為風門嶺在寧越鄉白皮鹽馱之東二山對峙若門而有風故名過此則

為陸欄埠頭等村舊白皮場在嶺外有官署遺址相傳為林墟巡檢署未知是否一百一

十里為烏雷嶺脈發自大墓山透邇南行至合浦

冠頭嶺西望交趾海東府在渺茫間州正南七里

馬伏波廟在焉唐置烏雷縣於此

為文筆峯

平地突起如筆

旁有三山

高半文筆三峯並峙宋州守陶

弼建亭 州西南三十里為三亭嶺脈發自馬鞍嶺

於上 四十里為霞良山六十里為鳳凰關山在開元

海 發自霞 七十里為黃囊山亦名西了嶺 八十里為

良山 獅子嶺脈發自八角山 九十里為刀鞘嶺在時羅都脈 百

里為銀黃嶺脈發自沉香山 百三十里為黃寶山高峻出

昔都脈發 百五十里為墨抹山在時羅都脈發自

自墨抹山 四時雲氣 百六十里為招遠山在時羅都其山高

如墨抹 鑑陟其山招叛民黃金廣因改今名 二百六十

里為那飄山在如昔都舊如 二百八十里為大勒

山三百里為大勉山二山高約千丈圍百里 極西

南四百里外為枯燈山亦名高登山在古森崗脈

欽州志 卷一 輿地 三

圍數百里東南界交趾之那巴分茅嶺在州西南

村西界廣西上思州那洗村 有銅柱云為唐節度使馬總所立舊志作馬援立

相傳山脊茅分南北中國與安南國交界處舊志

作距州三百六十里按通志崇禎九年張國經訪

銅柱有貼浪老叟黃朝會云萬歷間會親至其處

自貼浪崗行十六日方見此嶺則 州正西三十里

距州治遠不止三百六十里也 為埔口嶺脈發自火南山 六十里為天擊山在永樂鄉脈

九十里為黃坡嶺在永寧鄉脈發自龍王 直西二

百里為十萬山在貼浪都山極高大延 州西北十

里為照壁嶺脈發自火南山 三十里為百浪山在中和坊

網 九十里為六琴山百一十里為岐陵山脈發自

為宣化靈山欽州 百三十里為層文嶺脈發自通

西宣化三 官司交界

城東有欽江

發源於靈山之洪崖羅陽山經縣南合舊州水車江二水流遶州治東轉

南五里分小江遶孟埭會城西沙江太平江水出石灘至貓尾其大江南行遠文筆峯合茶山江石

江水至貓尾會西江東四十里有丹竹江
發源於靈山博

峩鄉之高崙嶺流經平銀江至大洗港
入於海江東為靈山縣界西為欽州界東南十里

有茶山江三十里有石江正南有貓尾海龍門江

欽州之山自東來者經佛子向鳳凰奔雞籠山至黃坡門為東岸自西來者經三坡嶺過大小頭向

東行至亞公山為西岸兩山對峙若門中有石若砥柱內匯巨浸曰貓尾欽江漁洪二水會流於此

合出龍門注大海東經牙山鳥雷達合浦西經三口浪州墩達交趾永安州
又有七十

二逕龍門左右羣山錯落海中七十有二故俗呼為龍

門七十州西南六十里有涌淪江
發源於三坡嶺

營盤會漁洪鳳凰二江出海
州西六里有沙江發源於火南山自北遶城南流

至小西七里有太平江發源於高嶺南流至小江合沙江水出石灘趨貓尾

海西十里有瀑布灣發源於那容村高嶺村瀑布自山頂飛下深灣流出灌田歲

旱鄉人祈雨於此輒應
西三十里有漁洪江東發源於小董那蒙二江西發

源於王仙灣流至牛皮灘下漁洪合
北九十里有

鳳凰江出於海潮汐至牛皮江止

羅浮小董江其源發於靈山縣之管根山南流合那蒙江出漁洪江

右山川脈絡

文峯卓筆在城南七里時起如筆

玉井流香在龍門島水從石隙出潮至淹沒潮退仍甘冽固奇蹟也

一江橫帶在州南五里即州江環繞

三石吐奇在州江中一吟石一釣石一醉石宋州守陶弼常遊憩於此

鴻亭點翠在東門外沙洲上四水環抱叢林菁翠有鴻飛亭水月閣

龍逕環珠 郎龍門七十二 逕錯落相通

靈潭沛雨 在城東北十五里潭深回測歲 旱祈雨搗藥洗潭雨應如響

元嶽凌雲 在城東北三里突起岡 巒坊建文昌官前

右八景

關隘

茶陵關 舊志無考 大清一統志謂在州東靈山縣界

天板關 州西六十里明宣德間衛 千戶一員軍十名防守

漁洪關 州西三十里前明衛軍防守三關俱指揮 程瑒建宏治中以修葺累革除已上舊志

弔葵關 一名叫仙隘又名叫生隘州西一百三十 里中練地方接連粵西上思州自隘至頂

險峻易藏奸宄嘉慶戊寅冬太守何天衢行部過 此里人朱麟壽貢生朱輝文等聯稟捐貲於隘右

另闢孔道自是牽車服賈者履道坦坦而獲奪之

欽州志

卷一

輿地

五

事無聞焉

東囊隘 州西南九十里下練地方自隘至頂約五 六里孤峯陡聳上下維艱距那特隘十五

里

木墨隘 州西南一百三十里中練地方層巖峭壁 樹木陰翳自隘至頂約二十餘里山溪險

阻水土極惡

殿六隘 州西南三百六十里貼浪崗所管孤僻 州阿人跡罕到自隘至頂約二十里

黃水隘 州西一百三十五里接連王光大山 自隘至頂約二十里界接長墩司

叫懷隘 州西南二百一十里接連平山隘貼浪崗 所管路通廣西上思州舍交村以下俱屬

十萬大山鳥道羊腸險阻 之極自隘至頂約三十里

平山隘 州西南一百五十里屬貼浪崗地方與大 萊墟相近距木墨隘三十五里路通廣西

上思州吞細村陡壁巉巖中通 線自隘至頂約二十餘里

洩河隘 州西南二百二十里貼浪崗地方離叫懷

木叢密山路陡峻自隘至頂約三十餘里

那勤隘 州西南三百里貼浪崗地方離洩河隘六

峻谷深潭自隘至頂約三十餘里

叫爺隘 州西南三百里貼浪地方離那勤隘十里

幽邃虎嘯豹嚎森然可畏自隘至頂約三十里

剝雞隘 州西南三百一十里離亭亮隘三十里古

峻嶒草木延蔓白晝不見天日自隘至頂約三十里

平寨隘 州西南三百三十五里離枯燈隘三十里

連三不要地自隘至頂約六十里

枯燈隘 又名高登隘州西南四百八十里離剝雞

欽州志

卷一

輿地

三

者必裹糧信宿石穴而後過路通廣西上思州那

洗村石壁巉巖路徑崎嶇自隘至頂約百里接安

南國之那巴村夷人出沒之地亭亮隘 州西南三百里距洩河隘三十五里古森

六十里

罵儂隘 州西南三百四十里漸凜崗所管旁有

天茶隘 州西南四百里路通漸凜羅浮古森

大免隘 州南三百五十里漸凜崗所管逾

淦利隘 州西南二百八十里思勒汎南五十里濱

里十

埔貢隘 州南三百里思勒崗所管峻嶺崇山

松栢隘 州南三百七十里屬羅浮崗昔多松栢

三不要地 廣州西南古森崗地方包裹十萬大山中

腫大肚乃水土極惡之區離州城四百八十里又

為私販夷鹽通廣西上思州忠州之捷徑防範最

難周密 按通志三不要地在欽州西南盡界與

廣西上思州安南古森河口接壤而各不相屬俗

稱廣東不要廣西不要安南不要以荒僻險阻難

以統轄雍正六年春二月督撫會疏請歸欽州就

近撫綏故北有北崙汛設兵遊巡

戍守東有白雞汛設兵遊巡

那梭隘 舊志作那蘇隘州西南二百六十里如

礮臺基 址尚存 都明宣德中交趾置金勒千戶於此鬼子

稔均隘 即稔嶺隘在那勤距州三百餘里舊志作

那棗隘 在那梭東十餘里 大清一統志謂隘

志作那 隆隘 外即交趾界今按距界尚百有餘里 通

山猪隘 州西南二百二十里 輿地

欽州志 卷一 三

金頂隘 在山猪隘南 十里極峻險

芎下隘 在金頂隘 西南十里

打客隘 在芎下隘 西南八里

蒙屋隘 在打客隘 西南一百一十里

低隘 在蒙屋隘 西南七里

糧草隘 在低隘 西南七里

探天隘 州西南二百八十里峻險異常隘

羊牯隘 在探天隘 西南十里

塌勒隘 在羊牯隘 西南八里

蝟蛇隘 州西南三百里如昔思

白厓隘 距蝟蛇隘十里 途隘即安南界

等繪隘 州西南二百里如昔貼浪二崗交界

新隘 閩門隘 相距十里均在州西南二百里那梭那崗間

大勒隘 州西南二百里那梭過那勒小峯等村必由上下三十里

路之

崇淋隘 在大勒隘東南二十里亦險隘也上下均三十里

金疆隘 州西南一百八十里貼浪崗望海嶂側距平山隘二十里自隘至頂約二十里

百里隘 距金疆隘十餘里

那黃隘 在州西南一百五十里如昔崗

黃水隘 在如昔都距叫仙隘三十里接連王光山

教良隘 州西南一百九十里路通那勤大萊極其峻險自隘至頂十餘里道光七年里人失

麟壽倡捐開闢遂稱坦道已上俱新增

欽州志 卷一 輿地 三

一六井砦 州西南控象鼻沙入交趾海大清一統志作鹿井

三邨砦 州東控寶蛤灣東西海道轉雷州遞角場

潭家水口 黃漂水口 藏塌水口

西陽水口 大灣水口 大亭水口

按二砦六口俱見舊志今皆無考

分野

廉州府天文翼軫分野鶉尾之次 大清一統志

韶廣康端封羅雷崖以東為星紀分桂柳白羅而

西為鶉尾分 新唐書地理志

廣東之廉州府欽州皆翼軫分軫十度至氏一度

壽星之次也 明史天文志

粵廉州翼軫明一統志

欽古粵地屬鶉尾之次翼軫之分野自張十五度

至軫九度曰鶉尾之次於辰在巳為四月斗建舊志

東粵廉州旁蠡翼軫以廉地相接粵西南寧故星

野皆同也輿地志

南越之地自遷固以來皆以為屬星紀牛女之分

惟唐僧一行謂韶廣封梧藤羅富雷南及珠厓自

此而東為星紀其西屬鶉尾宋歐陽修唐書謂自

昭象龔繡容及廉以西為鶉尾故明朝清類天文

及一統志皆以欽屬翼軫合楚分

按地志有以廣東為揚州南境廣西為荊州南

欽州志

卷一

輿地

三

境梧逾高涼之北廉繞潯邕之南藤梧封以東

為牛女則廉潯邕當為翼軫考宋熙寧八年十

月彗星見軫未幾交趾陷欽廉邕三州明萬曆

二十五年九月彗星見軫至十二月交趾復陷

欽州則欽屬軫也明矣舊志

廣東廣州府南海縣北極出地二十三度十分偏

西三度三十分廉州府合浦縣北極出地二十一

度四十分偏西七度三十分欽州北極出地二十

一度五十五分偏西八度三分

按地居天中其體渾圓與天度相應中國當赤

道之北北極常見南極常隱南行一百五十里

則北極低一度南極高一度北行二百五十里
則北極高一度南極低一度北極高度即南北
里差也東西偏度即東西里差也

阮通志

潮汐

方輿要覽江浙之潮自有定候欽廉之潮十四日
一至平滿為獨流漸減者為母水漸增者為子水
蓋他郡之潮一月兩至自消至長皆十五日故月
同而潮不收廉欽之潮初一日長至十四日而消
十五日長至二十八日而消其間消長各十四日
也如正月初一日子水生至十四日平滿為獨流
十五日漸減為母水母水漸減漸消子水漸生漸
滿母水日起子水夜生獨流黎明長故有子水獨
流之說二月則退在前正月二十九日長至十一
日而消十三日長至二十六日而消每月皆退二

日朝至日潮汐至日汐

舊志府志參輯

凡海中以子時末陰與陽合而潮生為陽水午時
末陽與陰合而汐生為陰水水乘氣而生風亦因
之氣為水之本風為水之末氣自北來而水長風
自南來而水消長者自北而南為南海之潮消者
自南而北為北海之汐

舊府志

按廉欽之潮無聲謂為暗潮新潮名子水舊潮
名老水俗謂新潮初長至四日曰成身名一眼

子新潮初起其力尚微僅能撐住老水使不得退不能使之逆流也至四日後新潮力漸旺謂之成身則能倒流而上矣以其初倒流如正謂為一眼子眼猶格也如物有格眼相開如正月月初七日起子水謂之一眼初八謂二眼初九初十謂之三眼四眼數日內老水退去子水潮來新舊並流每日分早晚二潮謂之子老水然新潮日旺則舊潮日減減至五眼則止有子水而無老水每日止有一潮名曰獨流又名大森水自初七至十四日新潮漲滿名曰平流平流則八眼子矣潮至八眼盛極必衰自十四日以後每日遞消至十八日新潮復生每日漸長至二十一日又謂成身又謂之一眼子遞至八眼

子而盈其獨流平流如前漸消數日則為二十
八日矣每月兩流週而復始惟三九兩月月
獨三流其消長差二三日不等一歲中以五月
十月潮至大名為大流水府志
新增

氣候

欽瀕海地卑土薄故陽燠之氣常泄陰濕之氣常
盛陽泄則四時常花三冬不雪一歲之間暑熱過
半窮臘久晴或至搖扇故人氣多上壅膚多汗出
腠理不密陰盛故晨夕霧昏春夏雨淫夏連陰雨
即復淒寒衣服器用皆生白膜人多中濕閒發流
毒陰陽之氣偏而相搏故一日之內氣候屢更晝

則多癩夜則多寒土著之人尙多有病中原之人
至者或觸暑感寒飲食不節節成霍亂痢疾之症
謂之不服水土甚有傷於饑飽腹痛欲絕俗謂之
急沙急以鹽擦背腹手足炒鹽一合沃以清水令
飲之大吐而愈半日後甚饑方與飲食切戒米飲
飲卽不治矣所謂青草肝黃茅朮諸瘴觸之必病
要亦不善攝生者自取之諺曰急脫急着勝似服
藥是固衛生者所宜知也舊志

嶺南瘴氣寒熱所感邪氣多在營衛皮肉之間欲
去皮膚毛孔瘴氣根本非常山不可本草綱目

立春微雨兆有年諺曰乾冬濕年禾黍滿田 朔

日雨主一月多雨每月交二十五日雨主次月有

雨曰隔月雨 春霧晴秋霧雨冬霧不寒夏霧不

暑 正月八日爲穀日晴爲祥雨爲災 二月有

三卯占有年 三月十六日爲黃姑浸種日西南

風主大雨 三月二十三爲天后誕日前後必有

風雨 四月八日雨多則荔子多蛙而落 四月

二十俗曰小分龍 五月二十俗曰大分龍皆宜

雨不雨則歲歉 六月十二日俗謂之彭祖忌必

有大風舟行忌之

通書占歲

梅雨後涼風一月日船掉風船掉者白撞之轉音
也粵當五月時晴天片雲雨頃刻至者曰白撞諺

云早禾望白撞翻藁壘偷淋偷淋者夜雨也 霜

降日有風則穎不實諺曰禾忌霜降風 寒露日

不宜雨諺曰不忌霜降風只怕寒露雨 郝通志

凡十月朔有霧則明歲正月雨初二有霧則明歲

二月雨一國應一月是日無霧則明歲是月無雨

舊府志

立春宜微寒諺曰春寒春暖春暖春寒春立春日

也一春之寒暖以立春日卜之立春又宜晴諺曰

春晴一春晴春陰一春陰 春日權水水重則雨

多輕則雨少日直一月至十二日而止以測十二

月之水旱寒故水重水重者雨多而年豐之兆也

欽州志

卷一

輿地

三

府志

南越志四時風候乖異風之暴者謂之颶風又有

石尤風觸人皆感逆氣成病症行見雲脚疏謂之

颶風路舟人徙舟避之又夏月暴雨東北風起揚

沙走石曰青凍此皆風之異者也其常則南風為

多季冬先春而至曰送年南北風時發曰北暴諺

云朝下三晚下七夜半下風無過日又曰朝北晚

南夜半東以時占也潮起風起潮平風止以水占

也故春寒至夏夏熱逾秋土石溫濕衣生白醭大

抵其熱以炎蒸其寒以風雨其生常早其肅常遲

天以陽施地以濕感是謂炎蒸其常也故曰四時

皆是夏風噓雨噏雖夏亦寒其暫也故曰一雨便成秋其生常早如正月桃花二月螻蝻鳴蚯蚓出王瓜生苦菜秀之類每歲微霜或降物必蕃蕪隆寒見水人輒謂之雪或以爲祥瑞云

黃通志

鵲巢占風巢高風大巢低風小 水氣腥爲颶風之兆斷虹曰颶毋 冬有虹霞北風即起謂之攬

霜風諺曰朝三晚七日午風回不半日子夜翻風日又曰

郝通志

投荒雜錄云南方諸郡有颶風颶風者具四方之風也按欽地薄海夏秋閒颶風或一歲累發或閒歲一發初起由東轉北而西而南或起於西轉北

欽州志

卷一

輿地

三

而東而南皆對時而後息將起之前海鳥羣驚投宿林木皆南向作翻轉狀人首燥熱天氣鬱蒸天脚有暈如虹或海吼聲大震俗呼風蓬嶺表錄謂之颶毋踰時大作暴雨挾之撼聲如雷拔木飛沙人不能行立牛馬不能出牧雷發乃息居舍傾圮牆屋崩毀是中州所無也

舊志

占驗

朝看東南黑勢急午前雨暮看西北黑半夜看風

雨占天 天外飛遊絲入晴便可期清朝起海雲風

雨霎時辰 風靜鬱蒸熱雷雨必振烈東風雲過

西雨下不移時 東南邛沒雲雨下巳時辰雲起

南山遍風雨辰時竟 日出卯遇雲無雨必天陰
雲隨風雨疾風雨片時息 迎雲對風行風雨轉
時辰日沒黑雲接風雨不可說 雲布滿山低連
宵雨亂飛雲從龍門起颶風連急雨 西北黑雲
生雷雨必聲訇雲勢若魚鱗來朝風不輕 雲鈎
午後排風色屬人猜夏雲鈎內出秋雲鈎背來
亂雲天半透風雨來多少風送雨傾盆雲過都暗
了 紅雲日出生勸君莫出行紅雲日沒起晴明
未堪許點 風雨潮相攻颶風難將避初三雖有
颶初四還可懼望日二十三颶風君可畏七八必
有風訊頭有風至春雪百二旬有風君須記 二

欽州志

卷一

輿地

三

月風雨多出門還可記初八及十三十九二十四
三月十八雨四月十八至風雨帶來潮傍船人
難避 端午訊颶風二九君還記西北風大狂回
南必亂地 六月十一二彭祖連天息 七月上
旬來爭秋船莫開八月半旬時隨潮不可移
烏雲接日雨即傾滴雲下日光晴朗無妨 早閒
日珥狂風即起申後日珥明日有雨一珥單日兩
珥雙起 午前日暈風起北方午後日暈風勢須
防暈開門處風色不狂 早白暮赤飛沙走石日
沒暗紅無雨必風 朝日烘天晴風必揚朝日燭
地細雨必至 返照黃光明日風狂午後雲過夜

雨霽霽占 虹下雨雷晴明可期斷虹晚見不明

天變 斷虹早掛有風不怕晚霧即收晴天可求

霧收不起細雨不止三日霧蒙必起狂風占

電光西南明日炎炎電光西北雨下連宿 辰闕

電飛大颶可期遠來無慮遲則有危 電光亂明

無風雨晴閃爍星光星下風狂占 螻蛄放洋大

颶難當兩日不至三日無妨 海乏沙塵大颶難

禁若近沙岸仔細思尋 烏鱗弄波風雨必起二

日不來三日難抵 東 守回來暫候白蝦弄

波風起便和風占 月上占 月沒潮漲大訊潮光

小訊月上 水漲東北南東旋復西南水回便是

欽州志 卷一 輿地 罕

水落 擊定且守船走難纜紐定必凶直至沙岸

走花落訂神鬼驚散要知訂地大洪泥礮占

逐月定日惡風

正月初十廿一日乃大將軍降日逢大殺午後有

風無風則雨 二月初三十七廿七日午後有大

風雨 三月初九十二廿四日有大風雨 四月

初八十九廿三日午時有大風雨 五月初十十

一十九日申酉時有大風雨 六月十九廿七日

卯辰時有大風雨 七月初七初九十五廿七日

有大風 八月初三初八十七廿七日有大風

九月十一十五十七十九日有惡風雨 十月十

五十八十九廿七日府君朝上帝卯時有大風雨

十一月初一初二十九日有大風雨 十二月

初二初三初五初六十二廿八日有大狂風已上俱東

西洋 考

鄉都

中和坊

附郭舊領永安都今東北中屯新村等處古有寧越鄉今並入中和坊

城東廂

附郭舊領永安都今東南屯孟廟方家諸村是

新立鄉一圖

在城北一百里接靈山菩提界

新立鄉二圖

在城北二百五十里接廣西宣化縣界

永樂鄉一圖

在城北一百里西江

永樂鄉二圖

在城西二百里接廣西上思州界

欽州志

卷一

里

永樂鄉三圖

在城西三百里接交趾永安州界

時羅都

在城西南二百里至佛灣

貼浪都

在城西南三百五十里至分茅嶺接交趾萬寧州界

按欽州在明初為坊一曰中和為廂一曰城東

為鄉四曰新立曰永樂曰寧越舊名龍安都在

州東南石門龍眼坪白皮烏雷等村與大光港

接界曰遵化舊名時羅尚統都三曰時羅曰貼

浪曰如昔合八里宣德中棄安南布政司如昔

民黃金廣率其都及貼浪都民叛附安南遂並

時羅絕甲充數景泰天順中流賊焚劫人民散

亡田地荒蕪寧越一鄉殘破天順六年始廢其

鄉以其地並入中和城東又分新立為二圖永樂三圖與中和城東時羅貼浪凡九里嘉靖壬寅莫會雖以四崗來歸而境土人民尙屬羈縻尚民每丁歲徵銀貳錢五分而已舊志

城內九坊

迎恩坊 在州署右大街

北振坊 在城北隅舊州署左

對陽坊 在遊擊署前大街

永豐坊 在東門內

南隅坊 在南門內

寧越坊 在城隍廟前今附廟內

欽州志 卷一

輿地

望

慶遠坊 舊在大街今附入五顯廟內

安泰坊 在城西隅

錦繡坊 在城西門內

城外九坊

振民坊 在南關

阜通坊 在東關

崇德坊 在中屯

白沙坊 在北城

孟塌坊 在孟塌江文筆峯上下

方家坊 在城西平心蒙村等處

朝京坊 在水東上村

洪屋坊 在水東下村

擇仁里 在東門外大街

諸崗

貼浪崗 在貼浪都思牙村宋為長官司黃令鑑為崗主其孫黃世華在元世祖時以討兩江

崗賊黃聖許功授以金牌銀印明初收印罷為崗長 國朝因之

時羅崗 在時羅都宋以黃令岳為崗主明初收印罷為崗長永樂間以事革相傳漢時禰純

旺者從伏波將軍馬援征交趾有功賊平畱守欽邕二界居時休崗在管界巡檢司地遂命其孫禰

貴成移守時羅為崗長

思勒崗 在如昔都思勒村宋以黃命德為崗主明初收印罷為崗長宣德間為交趾所侵以

其地置金勒千戶所遂移守那梭隘

丫葛崗 在如昔都丫葛村宋以黃命欽為崗主明初收印罷為崗長宣德間其孫黃建叛附

欽州志

卷一

輿地

聖

安南

澌凜崗 在貼浪都澌凜村宋以黃命謝為崗主明初收印罷為崗長宣德間其孫黃金廣叛

附安南

羅浮崗 在如昔都羅浮村宋以黃命宣為崗主明初收印罷為崗主宣德間其孫黃子嬌叛

附安南

古森崗 在貼浪都宋以黃命祚為崗主明初收印罷為崗長宣德間其孫叛附安南 按欽

州七崗本舊時羅貼浪如昔三都之地洪武間設如昔巡檢司僉其民為弓兵宣德間令黃金廣等

領崗丁與弓兵協守丫葛關而金廣等遂以澌凜羅浮丫葛古森叛因並脅思勒崗及佛淘徑巡檢

司九十九村延袤二百餘里以附黎氏黎氏遂以如昔巡司為萬寧州丫葛關為阿葛衛以佛淘徑

巡司徙永安州以思勒村為金勒所閱百二十年至嘉靖時登庸納欵願如知州林希元請還侵叛

之地時遣都指揮王相指揮劉滋知州文章經歷姚明相為畫定疆界而爰情叵測謠詐橫生於是

不得已爲立石定誓金勒以潭鱗河爲界葛以茫溪江爲界漸凜以三岐河爲界古森以古森河爲界

按七崗崗主黃禰二姓山東青州人從伏波將軍馬援征交趾平賊有功留守居時休崗給有牌印其孫襲職有禰貴成者移守防城明初收印罷爲崗長將時休崗歸併時羅因設如昔巡檢司宣德間黃金廣等遂以四崗九十九村叛附交趾至林希元請還四崗之地葛今名河洲古森附入漸凜通年與羅浮思勒共輸丁銀已上舊志按嘉慶十年十二月海氛紛披揚帆入至防城之界牌外海故崗長禰定邦之子生員禰玉文

欽州志

卷一

輿地

四

與崗長黃立美同率鄉民崗丁環攻海賊鎗斃五人割賊首級解赴州堂報驗代理州事謝治河嘉其奮勇詳報督憲百齡奉批着卽獎賞迨州守劉光暉復任遵批賞給洋花三十員火藥三十劬潮藍布二疋並給示鼓勵嗣於十四年海賊復入防城擾掠各村居民崗長禰廷卿黃開揚同心協力督率壯勇崗丁奪賊船一隻礮火軍器俱備擒賊二名賊妻一人解赴州堂署州王汝楨獎給銀牌將船給崗長變價分賞崗

丁

墟市

東門市 在城東門外

橋南墟 在平安橋南魚洲上今廢

西門墟 在西門外濠岸上今廢

都隆墟 在新立鄉蚊子公司今遷小董

大江墟 在永樂鄉大字江邊

北厯墟 在永樂鄉北厯村今遷大直

防城墟 在城西南一百四十里時羅都防城江邊舊設知州藍渠以切近交趾永安州罷之

知州林希元招復康熙元年遷廢八年展界入稀未復二十三年設龍門協左營守備劉博文駐防

於此招復

那蒙墟 在城北九十里永樂鄉那蒙村鹽埠旁新設

那添墟 在城西一百三十里如昔司屬永樂鄉

欽州志 卷一 輿地 一 罌

塌沙墟 在城北五十里永樂鄉康熙六年知州董紹美設已上舊志

牛江墟 在城東北六十里捕屬

大崗墟 在城北六十里捕屬

橫山墟 在城南五十里捕屬

黃屋屯墟 在城西三十里長墩司屬

牛皮墟 在城西七十里長墩司屬

大字墟 在城西北九十里長墩司署旁

大直墟 在城西九十里如昔司署右

平望墟 在城西南一百四十里如昔司屬貼浪都

滑石墟 在城西南一百六十里如昔司屬貼浪都

那梭墟 在城西南二百里如昔司屬貼浪都

大萊墟 在城西南一百八十里如昔司屬貼浪都

那勤墟 在城西南二百二十里如昔司屬時羅都

那良墟 在城西南三百六十里如昔司屬漸凜都

那伯墟 在城西北一百一十里

企沙墟 在城西南一百里外防城司屬

小董墟 在城北九十里沿海司署旁

翟家墟 在城北一百里沿海司屬

板城墟 在城西北一百二十里沿海司屬

長灘墟 在城北一百二十里沿海司屬

奇靈墟 離城一百四十里沿海司屬界廣西三官司

那陳墟 在城西北二百四十里那陳司署旁已上新增

欽州志 卷一 輿地 巽

按新增各墟數固兩倍於前而三日一墟凡到墟懋遷有無者人民之萃聚固不相同而負郭之東門市志曰市土人則稱曰街亦與雍正初年各別計是街環繞城之東南北北則有橫街白沙街東則有上街竹欄街南則有濠壩街魚寮街平南渡下街下南關下街其橫街魚寮街二處半設行旅寓館竹欄街亦止半設蔬菜飯店昔以竹為墻用茅覆屋時值隆冬少不及檢即遭回祿其交易稠密處則東門濠壩二街然賈之所深藏者不外冬夏布疋若問綢綾錦繡則寥寥矣茲自乾隆末年以還由橫街至下南

關下街凡厚其牆垣高其閘閔者已十之七八
而行商居賈所售各物若織文織編夏葛冬裘
以及油糖雜貨亦無不具備

井泉

州前井在州前

所前井在所前

分司井在西門內

大街井在城內東街

白沙水井在城外三里白沙坊名地井泉水清涼

龍滾沙井在城外水東村六祖庵前其水較他井味甘質重

玉井州八景之一在龍島沙背山下潮長鹹水浸沒潮退汲飲味淡而香天旱不竭已止舊志

欽州志

卷一

輿地

聖

學井在學宮泮池左乾隆三十七年攝州康基田開浚其水清冽不竭

安泰井在城西安泰坊城內井水多鹹惟此井水淡而清

州後井在州署後

欽江書院井在南門內欽江書院前攝州康基田建院時浚

龍脛井在城北龍脛坳水清而味甘

南濠井在西南城脚下南濠池旁水清味甘

北壇井在城西北壇下濠池旁水清而味甘

茶井在龍島朝陽墩後水清冽可比玉井島人烹茶皆汲之已上新增

風俗

州民性樸而生計拙俗尚簡儉易於取足遇疾少醫藥多祭鬼以祈福

凡婦女出門俱持竹織障面

各鄉墟三日一趁昌杭清風詩云三日一墟人不
斷是也

元旦至開印日各官署俱有鼓吹謂之鬧衙上元
初十至十六夜於東門外上街結燈棚行宮州人
粧龍魚獅鶴各色彩燈迎 神上街玩燈街中各
具酒醴爆竹敬奉又有辦色架故事鳴鈺擊鼓迎
神者家家門前均掛彩燈光彩奪目

元旦日各具衣冠互相慶賀名曰拜年戶戶禮神
賀節自初一至二三日謂之燒紙上元觀燈演百
戲十六夜婦女擲園蔬曰採青取葱以食小兒企

欽州志

卷一

輿地

哭

聰明人有添丁者於上元日作花燈掛於家堂與
社壇前名曰上燈十六夜完燈又望前各家祀祖
延賓歡飲名曰新春酒

二月初二日祭社分社肉放花炮炮頭飛至某人
前來年雙倍酌還入社後田功畢作

三月初三日上巳日被除不祥鄉人取楓葉紅蘭
染米炊飯曰烏米飯經久不宿清明節各家插柳
枝於門節前後十日掃墓郊行謂之踏青亦曰掛
紙二十二三日天后清惠夫人認州人題錢具儀
仗奉神出遊街巷

四月八日爲浴佛節鄉人取百草藥俸米作饅謂

之拉撒饑食之去病

五月五日曰端陽節各祭祖先飲蒲酒餉角黍鏤艾虎以雄黃書符帖門又以帛裹雄黃爲人物與兒童佩以色絲醜物投於河採蓮競渡曰扒龍船二十八日城隍誕奉神出遊祭祀

六月六日家家曝衣書俗語六月六曬紅綠

七月七日汲井華水貯以備酒漿曰聖水久貯不生蟲女子具酒菓向月乞巧十五日爲中元節各家預於十四日剪紙爲衣具牲品祀祖先曰燒衣延浮屠作盂蘭會收無主暴露骨骸埋之

八月十五日爲中秋節官紳士庶具月餅禮物送

欽州志

卷一

輿地

祀

節是夜賞月剥芋擘柚飲酒童兒積碎瓦砌塔燒紅沃以油水曰燒塔各鄉村宰牲祭太倉神於嶺岡延巫者著花衣裙戴鬼臉壳擊兩頭鼓狂歌跳躍於神前村男婦於壇旁戲歌互相唱和名曰跳嶺頭曰不如此則年不豐稔

九月九日曰重陽士大夫登高賦詩飲酒民間兒童放紙鳶

十月朔後民間有製紙衣祭墓者曰送寒衣十五日祭孤

十一月冬至日曰長至節官紳朝賀鄉人宰牲裹粽祀祖先名曰食冬

臘月二十四日曰小年晚祭竈神名曰送竈神升天除夕家家具牲醴祀祖先家人聚飲曰團年有圍爐達旦者曰守歲以錢給小兒名曰壓歲古冠禮州中昔日少行近來縉紳大家頗有采典禮遵行大抵臨娶始冠具文而已

婚之六禮今並爲四雖儀物式備必用檳榔茶葉親迎惟士大夫家行之娶以二十前後爲率娶後有三朝新郎偕新婦備禮往謁岳父母親屬者亦有十二朝滿月始往者亦有俟來年新正上元前後者名曰回門開有童婚長始合香謂之雞對

喪禮昔用樂誠如蘇軾所譏鐘鼓不分哀樂者近

各屬暴富者或沿習未變士大夫悉遵邱濬儀節矣俗祭用七至四十九日而止其子孫朝夕哭奠至百日至出殯親戚誅奠主人設席報禮元志所謂喪葬必盛餼饌以待送客是也俗尙佛事有識者閒不爲之俗人不以爲是

人死未殮親人望江潑而號投錢於水汲而歸浴以殮名曰買水浴畢治棺而殮殮後設佛修齋至出殯設筵開奠戚友具錢以賄閒有製軸詣奠者舊四代神主設於正寢今閒有立祠堂置祭田春秋二分及冬至廟祭一遵朱子家禮雖窮鄉僻壤數家村落亦有祖廳祀事四時薦新清明則設祭

墓前至立夏而止

欽昔士民淳樸衣無華彩屋多茅茨高不過眉睫地曠力靳民鮮葢藏城市人音類官語惟稍直硬節朔寒暄冠婚喪祭近城者與中土無異讀書業儒城市較多至於山陬海澨各有鄉談彼此不得了了久於其地者或揣摩於萬一其鄉人絕不省官語一堂之上重譯而後曉其三都七尚多住高欄人居其上牛處其下炎蒸腥穢習而安之昔惟河洲漸凜二尚尚曉蠶桑其餘村鄉耕田以外別無他業播種後不糞不耘不事桔槔旱潦一聽於天千百戶中求百金產者每不易得有坡有畝貯穀數十石則曰財主山居之民墾山爲活刀耕火種服苦度日而已沿河迤東二三百里接合浦界刮沙煮海悉係窳丁其俗輕生鬪狠人多狡詐又與城郭迥別今則於變大異於前矣

昔欽俗最儉樸服飾惟麻棉雖素豐饒者不過絲繭而已今則紗羅綢緞嗶嘰羽呢女子袷袖飾以錦繡俗之由樸而華如此

昔俗淳古鄉里人有垂白不至公庭者見人戴纓帽疑爲官差卽走避讀書家少藏書惟講章時文而已今則五經十三經子史百家綱鑑亦畧備焉昔州南瀕海潮長汪洋高岸曠土餘荒猶且未闢

誰計及海筐潮圍哉今

昇平日久生齒日繁土著來氓漸集者衆不惟平原
澗谷盡闢而耕隴海坪河岸亦塞而種耕耘種植
之道講求精妙無遺矣前此不糞不耘今則先冬
犁田以曬雪當春進糞以插秧易耨而後且加豆
枯牛猪骨厩培其根蒂焉前此旱潦聽天今則附
山者鑿溝築壩在原者掘井開池近水者製車造
桔或引或揭或激因地置宜不惟瘠土變爲沃土
而滄海亦變爲桑田焉觀於州境內之堤壩水車
圍田可証矣

水利

欽州志

卷一

地理

五

欽江水在城東源自靈山縣洪厓羅陽二山出合
舊州水車二江厓二百里入州界環遶州東南南
流三十里注於海欽靈舟楫田畝俱賴其利

漁洪江在州西三十里迎小董那蒙大寺諸江水
南流合鳳凰江水出龍門注於海比新立永樂數
都舟楫田畝均賴其利

鳳凰江在州西五十里迎大直那狼埔飄開元大
蜆諸江出合漁洪江水達龍門注於海舟楫田畝
均賴焉

丹竹江在州東三十里源自靈山楊梅洲南流經
平銀江出大洗港江小而流長兩岸田畝均賴焉

靈屋埭在城東十里鄉民築堤引水以灌溉兩岸田畝

龍滾塘在城東五里鄉人引以灌左近田畝

境口壩在城南五里孟埭村明正德間知州李純築先是孟埭田被洪水衝決數百畝田荒蕪築此壩後方可耕

麓基水在城西南新立鄉民引其水灌溉那崗平新等村田畝

白水塘在城北十里中和坊民引其水灌白沙上下村田

團良江在州西七十里永樂鄉源出上思州樗羊

欽州志

卷一

輿地

三

嶺可通舟楫民造水車引灌田畝

已上舊志

望州壩在州東十五里嘉慶間州人吳肇綱兄弟築壩瀦水引灌左近等坪田

隄旺壩在州西南百三十里叫仙隘側嘉慶間州人蔣敏書築壩瀦水引灌隄旺王光營等坪田

卜家龍塘在州西四十里村人引此塘水可溉卜家一方坪田

塘鵝陂在州北七十里新立鄉大埭村長約里許寬二十餘丈中有石鵝一隻高踰八尺被雷擊其一陂流引溉田畝甚普

六蝦陂在州北百二十里銅魚山下左近田畝皆

資陂流灌溉已上增輯

物產

穆禾有數種

香杭

大黃粘

小黃粘

沙古粘

羊尾齊

白壳

赤禾

烏米

八月粒

十月白

毛禾

潮禾

香臺糯

紅鬚糯

大糯

馬蜆糯

高粱粟

包粟有粘糯二種

鴨脚粟

狗尾粟

三角麥

蕎麥

右穀屬

大冬豆黃黑二種

菜豆

三收豆

每年三收紅豆

噴曬豆

狗爪豆

猪牙豆

飯豆

欽州志

卷一

輿地

五

雪豆有紅白二種

荷包豆

葉底藏

刀豆

落花生

一名地豆可食又可榨油其枯可糞田出息最大

芝麻

豆角有四八月二種

右豆屬

白菜有數種

芥菜

芹菜

莧菜有數種

芥蘭

菠菜

韭菜

蕘菜

茼蒿

甜菜

生菜

藤菜

苦蕒菜

蕪菜

油菜

芫荽

蘿蔔有數種

葵薺

葱

蒜有硬軟二種

薤

竹筍有數種

茭筍

薑有數種

木耳

金針

香蕈

辣椒

右菜屬

金瓜即南

西瓜

王瓜

冬瓜

瓢瓜

苦瓜

蒲瓜

水瓜

香瓜

梢瓜

絲瓜

矮瓜即茄

地瓜即番薯有數種

木冬瓜即萬壽果

大薯有紅白數種

山薯土山藥

雞蛋薯

觀音薯種數年挖重百觔

毛薯

木番薯

木根似薯取作粉水漂過數次方可食不然有毒人食昏醉

籬棟薯

芋有青紅花腰白蒙早芋數種可濟稻梁之不足

天星芋

右瓜屬

龍眼子

荔枝子

波羅蜜

栗子

柚子同橘

橙子

柑子

梅子

欽州志

卷一

輿地

五

洋梅子

桔子

四季桔

柿子

桃子有數種

李子有數種

梨子有數種

九層皮

香櫞有趾者名佛手

石榴子紅白二種

欖子有黃烏二種

番桃子

黃皮果

蘿蒙子

狗卵子一名脂子

黏子

木麻子

人面子

山竹梨

黏子

槌子

天桃子

洋桃一名五練果有酸甜二種

糍羅子

地波蘿味香甜若有蛇蝎蜈蚣撒毒於上食殺人

糍羅子

蕉子有數種

蓮子

蓮藕

菱角

右果屬

桂花

蘭花有數種

樹蘭花

掛蘭花

魚子蘭

荷花

木芙蓉

紫荊花

鹿蔥花

相思花

牡丹花

木犀花

杏花

玉簪花

茶花

帽纓花

菊花

黃紅紫白數種萬壽菊

梅花

有紅白數種茉莉花

葵花

有向日一丈紅數種

桃花

有碧桃七寸桃南山菘屎數種

夾竹桃

山石榴

狀元紅

美人蕉

石榴花

百日紅

七里香

米碎花

薔薇花

含笑花

合歡花

夜合花

佛桑花

似月桂

木棉花

高數丈大合抱花紅

木槿花

月季花

夜落金錢

剪春羅

金銀花

十樣錦

夜來香

雞冠花

粉團花

趾甲花

梔子花

十姊妹

鳳尾花

欽州志

卷一

輿地

美

右花屬

楝木

紗木 有數種

鐵梨木

梓荆木

楠木

有火力香子青楠地楠金釵數種

杉木 有數種

森木

榿木

有鐵榿狗禿榿白榿黃榿紅榿數種

柏木

桂木

柯木

槁木

椿花木

樟木

相思木

似鐵梨

米碎木

車椽木

山竹梨

苦練木

白花木

松木 有油糠二種

牛奶木

黃鑿木

山翠木

紫合木

洗手子木

槐木

柳木

胭脂木

羊屎木

榕木

有三種

桐木 有數種

欖木 有黃鳥二種

鵝腎木

楓木

山黏木

甌皮木

漆木

草鞋木

波羅木

荔枝木

龍眼木

滑油木

水松木

雞關木

右木屬

簞竹

筋竹

篔竹

稔竹

滑竹

箬竹

篁竹

吊絲竹

紫竹

飄竹

大筭竹

可作栲

蘆荻竹

雞筭竹

馬蹄竹

苦竹

斑竹

甜竹

佛肚竹

右竹屬

白藤

黃藤

沙藤

鬆筋藤

雞藤

鐵藤

青香藤

雞屎藤

欽州志

卷一

輿地

毛

金剛藤

右藤屬

蓑

可製雨衣

箬

可繫船篷

黃茅

可蓋屋

益母草

菅

有粗細二種可織席

龍鬚草

織席佳

蘇葉

可覆屋

艾

曬乾取絨灸人

冬葉

可裹物

蓼

寮葉

可裹物

芳莽

黃莽草

毒草食即殺人灌以生羊血可救

斷腸草

誤食殺人羊血可解

蘆荻

宜男草

即萱草

狗尾草

錢串草

蕒

土人以伴檳榔食

菖蒲

有石上生者

麻

有黃芩數種

大楓艾

右草屬

高良薑

草豆蔻

桂皮

艾片

天竺黃

熊胆

益母草

薑

何首烏 砂仁 吳茱萸 芥子

車前子 香附 天冬 芭豆

苦參 荆芥 薄荷 五倍子

紫蘇 莪朮 海鱈鮓 蜜糖

桑鱈鮓 管仲 稀荳 木鼈子

穀精 仙茅 金銀花 夜明砂

甘葛 蒼耳子 穿山甲 地骨皮

梔子 甘菊 蛇退 蜈蚣

牡蠣 使君子 草決明 桑白皮

土茯苓 斑貓蟲 枸杞子 虎骨

黑豆 沙薑 狗脊 虎膠

欽州志 卷一 輿地 五

草麻

右藥屬

觀音香 白朮香 藤香 柏香

海漆香

右香屬

水牛 黃牛 馬 騾

猪 羊 狗 鼠

貓 鵝 鷄有鬼老鷄太和鷄翻毛矮脚鷄各種

鴨 西洋鴨 鶉 兔

右畜屬

孔雀 白鷓 金錢鷄 水鷄

翡翠

山呼

山鳳凰

烏鸛

鶴有數種

燕

青鳩

火鳩

斑鳩

鴿鳩

山鷄

雉

鷓鴣俗云田雞所化喙長食魚

鷓鴣

鷺鷥

催耕鳥

鷹有數種

喜鵲

鴉

高髻娘

畫眉

子規

百舌一名別勞

黃鸝即鷓鴣

白頭翁

秦吉了

黃豆娘

三脚鳥

麻雀

鳩鵲

塘鵝

天鵝

雁鵝

海鷗似鴨千百成羣海畔食魚

黃姜雀

鷓鴣

鷓鴣

水鴨

鴛鴦

鴟俗名鴟頭鷺

鷓鴣

五更雞

欽州志

卷一

輿地

五

八哥即鷓鴣剪其舌端使圓能學人言

鷓鴣剪舌亦能學人言性畏霜降寒露風

右禽屬

人熊有間

狗熊

山貍

山羊

馬熊有間

虎

豹

山狗

鹿

麋

麋

彪馬頭虎身

豺

狼有間

狐俗名龍狗

箭猪

狸有數種

獺

猴

山猪

右獸屬

蝮蛇

水蝮蛇

蠻壳蛇毒蛇傷人以臭蟲血塗其傷口

可解其毒

藤蛇細而長亦毒如蛇也

黃梢蛇

青竹標蛇雖小而毒愛當道

網鬚蛇亦毒 烏肉蛇

地龍

彈蛇

簸箕挾

草花蛇

草龍

塤蛇

時辰蛇

水伏蛇

壁虎

俗名偷鹽蛇

蜈蚣

右蛇屬

蝮蠍

蝦蟇

蝌蚪

蛙

蝙蝠

蟬

蚯蚓

蛾有數種

蜘蛛

螳螂

蜂有數種曰蜜蜂者能採花作糖

蟋蟀

蝴蝶有數種大小不等

草蟒

蜚蠊

螺贏

水蛭即馬蝗

螢

木虱

即臭蟲血可治蛇咬毒

蟻有數種曰白蟻者能食各物

跳蚤

即狗虱

蜻蜓

蒼蠅

蠶蛾

欽州志

卷一

輿地

卒

蚊

螟蛉

斑貓

沙蟲

坭丁

右蟲屬

鯉魚

馬母魚

石巖魚

鱗魚

鮡魚

有數種曰鏹鮡鹿仔狗仔青鮡名齊口者小則咬人大則吞人

倉魚

鮠魚

莽魚

馬鮫魚

鱖魚

紅魚

鯪魚

俗名土魚

坭鱮

鱖魚

鮑魚

有大腮安子二種

黃鱔

一名泥魚若常浮水面者食殺人俗云泥魚資陰其毒亦深

鱸魚

鱖魚

鮠魚

鱖魚

鮫魚

橫鰻魚

骨魚

有黃白二種

鱖魚

銀魚

烏賊俗名墨魚

嵐斑魚

斑星

少陽俗名蒲魚

海鱸重數千觔惟春可捕

塘虱

草魚塘養食草

章公魚

黃香魚骨軟而味美

葵龍魚

河鮪俗名拜風魚

比目魚俗名鞋跡

汶魚一名花魚

亞跳魚

蒲撒魚

八爪魚

金鼓魚

滾子魚

魴鯉魚

刀鱸

水介魚

白鱠淡水者味最美

針魚

魴鑽魚

三牙魚

海鱧大者重百餘觔

山兼魚淡水魚味美

鑽管魚

牛尾魚

鮭魚一名斑魚

金魚突眼芙蓉尾者佳養於盆內賞玩

嚴魚

老虎魚

蝦有大紅白鬚沙蝦彈蝦數種

右魚屬

欽州志

卷一

輿地

空

龜

鼉

龜

蚌

鼈

鱓有數種

蚌似鱓而小不可食令人吐

石鱓以酒創之曰醉鱓

蠓

蛤

蚧

鱉

藥鱉似鱉而小人食則醉

螺有數十種曰鸚鵡車白埤螺練螺絲會珠螺角螺南風螺田螺沙螺者難盡述

川山甲

蜆

西施舌即沙吞螺似江蟻蛙

海豆牙

右介屬

鹽

油有豆油茶子油核油桐油數種

豆有黃黑綠數種

薯艮

可染各物

蠶絲

地豆枯

各色皮

藤有數種

糖有黃白二種

菅有粗細大頭圓菅數種

蠟

布

麻有數種

海參

魚翅

魚膘

鱈肉

魚皮

蝦米有大紅金鈎 蝦頭

銀魚乾

鹹魚

沙蟲乾

蟹壳

香蕈

牛骨

木耳

香粉

砂仁

右貨屬

按糖油二種舊志畧而不詳緣州屬在雍正初地尚荒而不治自乾隆以後外府州縣人遷居欽者五倍土著人力既集百利具興山原陵谷皆墾闢種植甘蔗花生為榨油漏糖之資今州屬開設油榨糖漏行者數十所每年外府大賈

欽州志

卷一

輿地

奎

駕海舶詣欽採販者金計數十萬其次豆枯牛骨薯良等貨利亦甚普大異曩時矣

雞窩金出於州東南七十里雞窩村前溝溝之砂粗細不齊色純白乾隆初有遠方人來不通姓氏里居到溝旁睇視手拾砂之帶玉色者示人曰此種砂用水淘之有黃金村人如其言淘之果然自是往淘者日數十人每人得數分數錢者不等間有藉此以致富者嗣因爭淘者眾所得者少有業者舍而不為無業者日仍往淘所得可供數人口

食新